

四庫全書

史部

欽定四庫全書

史部

明史卷一百十六

御史_臣李陽樾覆勘

總校官編修_臣朱鈐

欽定四庫全書

明史卷一百十六

大學士張廷玉等奉 敕修

列傳第四

諸王

明制皇子封親王授金冊金寶歲祿萬石府置官屬護衛甲士少者三千人多者至萬九千人隸籍兵部冕服車旗邸第下天子一等公侯大臣伏而拜謁無敢鈞禮

親王嫡長子年及十歲則授金冊金寶立為王世子長
孫立為世孫冠服視一品諸子年十歲則授塗金銀冊
銀寶封為郡王嫡長子為郡王世子嫡長孫則授長孫
冠服視二品諸子授鎮國將軍孫輔國將軍曾孫奉國
將軍四世孫鎮國中尉五世孫輔國中尉六世以下皆
奉國中尉其生也請名其長也請婚祿之終身喪葬予
費親親之誼篤矣考二百餘年之間宗姓實繁賢愚雜
出今據所紀載自太祖時追封祔廟十五王以及列朝

所封者著於篇而郡王以下有行義事實可採者世系亦得附見焉

諸王一

宗室十五王

太祖諸子一

秦王挾 沂陽王誠測

晉王桐 慶成王濟炫
西河王奇溯

新堞

周王櫛 鎮平王有燝
博平王安洸
南陵王睦
鎮國中尉睦攄
鎮國將軍安胤

鎮國中尉勤熨

楚王楨

武岡王顯槐

齊王搏

潭王梓

趙王杞

魯王檀

歸善王當泓

輔國將軍當濟

奉國將

軍健報

安邱王當遂

壽琳

熙祖二子長仁祖次壽春王俱王太后生壽春王四子

長霍邱王次子蔡王次安豐王次蒙城王霍邱王一子

寶應王安豐王四子六安王來安王都梁王英山王下

蔡蒙城及寶應六安諸王先卒皆無後洪武元年追封

二年定從祀禮祔享祖廟東西廡壽春霍邱安豐蒙城
四王皆以王妃配食蒙城王妃田氏早寡有節行太祖
甚重之十王四妃墓在鳳陽白塔祠官歲祀焉

仁祖四子長南昌王次盱眙王次臨淮王次太祖俱陳
太后生南昌王二子長山陽王無後次文正盱眙王一
子昭信王無後臨淮王無子太祖起兵時諸王皆前卒
獨文正在洪武初諸王皆追封從祀文正以罪謫死子
守謙封靖江王自有傳正德十一年御史徐文華言宋

儒程頤曰成人而無後者祭終兄弟之孫之身蓋從祖而祔亦從祖而毀未有祖祧而祔食之孫獨存者今懿僖二祖既祧太廟祔享諸王亦宜罷祀廷議不可文華竟以妄言下獄嘉靖中建九廟東西廡如故九廟災復同堂異室之制祔十五王於兩序盱眙臨淮二王妃配食南昌王妃王氏後薨祔葬皇陵不配食

太祖二十六子高皇后生太子標秦王棧晉王橐成祖周王橚胡充妃生楚王楨達定妃生齊王榑潭王梓郭

寧妃生魯王檀郭惠妃生蜀王椿代王桂谷王棣胡順
妃生湘王柏韓妃生遼王植余妃生慶王璠楊妃生寧
王權周妃生岷王桢韓王松趙貴妃生藩王模李賢妃
生唐王桢劉惠妃生郢王棟葛麗妃生伊王橐而肅王
桢母郤無名號趙王杞安王楹皇子楠皆未詳所生母
秦愍王桢太祖第二子洪武三年封十一年就藩西安
其年五月賜璽書曰關內之民自元氏失政不勝其敝
今吾定天下又有轉輸之勞民未休息爾之國若宮室

已完其不急之務悉已之十五年八月高皇后崩與晉
燕諸王奔喪京師十月還國十七年皇后大祥復來朝
尋遣還二十二年改太宗正院為宗人府以挾為宗人
令二十四年以挾多過失召還京師令皇太子巡視關
陝太子還為之解明年命歸藩二十八年正月命帥平
羌將軍寧正征叛番于洮州番懼而降帝悅賚予甚厚
其年三月薨賜謚冊曰哀痛者父子之情追謚者天下
之公朕封建諸子以爾年長首封于秦期永綏祿位以

藩屏帝室夫何不良于德竟殞厥身其謚曰愍棧妃元
河南王王保保女弟次妃寧河王鄧愈女棧薨王妃殉
子隱王尚炳嗣汙人高福興等為亂尚炳巡邊境上捕
盜永樂九年使者至西安尚炳稱疾不出迎見使者又
傲慢帝逮治王府官吏賜尚炳書曰齊王拜胙遂以國
霸晉侯情王見譏無後王勉之尚炳懼來朝謝罪明年
三月薨子僖王志垣嗣二十二年薨無子庶兄懷王志
均由渭南王嗣宣德元年薨妃張氏未婚入宮守服弟

康王志潔嗣好古嗜學四年護衛軍張嵩等訐其府中
事志潔不安辭三護衛宣宗答書獎諭予一護衛志潔
顧數聽細人正統十年誣奏鎮守都御史陳鑑按問皆
虛而審理正秦弘等又交章奏王凌辱府僚筆死軍役
帝再以書戒飭之景泰六年薨子惠王公錫嗣以賢聞
成化二十二年薨子簡王誠泳嗣性孝友恭謹嘗銘冠
服以自警秦川多賜地軍民佃以為業供租稅歲歉輒
蠲之長安有魯齊書院久廢故址半為民居誠泳別易

地建正學書院又旁建小學擇軍校子弟秀慧者延儒
生教之親臨課試王府護衛得入學自誠泳始所著有
賓竹小鳴集弘治十一年薨無子從弟臨潼王誠潔子
昭王秉攬嗣十四年薨子定王惟焯嗣有賢行有司以
聞嘉靖十九年敕表以綽楔獻金助太廟工益歲祿二
百石賜玉帶襲衣惟焯嘗奏請潼關以西鳳翔以東河
壩地曰皇祖所賜先臣挾也戶部尚書梁材執奏陝西
外供三鎮內給四王民困已極豈得復奪壩地溫給宗

藩詔如材言二十三年薨無子再從子宣王懷塔由中尉嗣秦以本祿千石贍諸宗賜敕獎諭四十五年薨子靖王敬鎔嗣萬曆四年薨子敬王誼湮嗣十四年薨無子弟誼湮由紫陽王嗣薨子存樞嗣李自成破西安存樞降于賊偽授權將軍妃劉氏死之汧陽王誠冽康王諸孫也事父及繼母以孝聞父疾經月不解帶及薨醢醬鹽酪不及口明年墓生嘉禾一本雙穗嘉瓜二實並蒂慈烏異鳥環集以母馬妃早卒不逮養追服哀食蔬

者三年雪中萱草生華咸謂孝感所致弘治十五年賜
敕嘉獎時有轉國將軍秉樺亦好學篤行父病禱于神
乞以身代疾竟愈母喪廬墓有雙鶴集庭中定王以聞
世宗表其門

晉恭王桐太祖第三子也學文於宋濂學書於杜環洪
武三年封十一年就藩太原中道笞膳夫帝馳諭曰吾
帥羣英平禍亂不為姑息獨膳夫徐興祖事吾二十三
年未嘗折辱怨不在大小子識之桐修目美髯顧盼有

威多智數然性驕在國多不法或告柵有異謀帝大怒欲罪之太子力救得免二十四年太子巡陝西歸柵隨來朝敕歸藩自是折節待官屬皆有禮更以恭慎聞是時帝念邊防甚且欲諸子習兵事諸王封並塞居者皆預軍務而晉燕二王尤被重寄數命將兵出塞及築城屯田大將如宋國公馮勝潁國公傅友德皆受節制又詔二王軍中事大者方以聞三十一年二月薨子定王濟熈嗣永樂初帝以濟熈縱下黜其長史龍潭濟熈懼

欲上護衛不許弟平陽王濟煢幼很戾失愛於父及長
太祖召秦晉燕周四世子及庶子之長者教于南師濟
煢與燕王子高煦周王子有勳邪詭相比不為太祖所
愛濟熿既嗣王成祖封濟煢平陽王濟煢追憾父并憾
濟熿不為解嗾其弟慶成王濟炫等日訴濟熿過於朝
又誘府中官校文致其罪厯年不已十二年帝奪濟熿
爵及世子美圭皆為庶人俾守恭王園而立濟煢為晉
王濟煢既立益橫暴至進毒弑嫡母謝氏逼丞恭王侍

兒吉祥幽濟熈父子蔬食不給父兄故侍從宮人多為所害莫敢言恭王宮中老媪走訴成祖乃即獄中召晉府故承奉左微問之盡得濟熈構濟熈狀立命微馳召濟熈父子濟熈幽空室已十年矣左微者故因濟熈牽連繫獄或傳微死已久及至一府大驚微入空室釋濟熈父子相抱持大慟時帝北征駐蹕沙城濟熈父子謁行在所帝見濟熈病測然封美圭平陽王使奉父居平陽予以恭王故連伯灘田會帝崩濟熈遂不與美圭田

仁宗連以書諭卒不聽又聞朝廷賜濟熈王者冠服及他賚予益怨望成祖仁宗之崩不為服使寺人代臨幕中廣致妖巫為詛咒不輟宣宗即位濟熈密遣人結高煦謀不軌寧化王濟煥告變比擒高煦又得濟熈交通書帝未之問也而濟熈所遣使高煦人懼罪及走京師首實內使劉信等數十人告濟熈擅取屯糧十萬餘石欲應高煦并發其宮中詛咒事濟煥亦至是始知嫡母被弑馳奏遣人察實召至京示以諸所發奸逆狀廢為

庶人幽鳳陽同謀官屬及諸巫悉論死時宣德二年四月也晉國絕封凡八年至英宗即位之二月乃進封美圭為晉王還居太原正統六年薨子莊王鍾鉉嗣弘治十五年薨世子竒源及其子表榮皆前卒表榮子端王知祥嗣知祥七歲而孤能盡哀居母喪嘔血芝生寢宮嘉靖十二年薨無子再從子簡王新埧嗣新化王表楪榮澤王表榑者端王諸父也表榑先卒子知熾嗣為新化王亦前卒二子新埧新塢端王請新埧嗣新化王未

封而端王薨表檄謀攝府事端王妃王氏曰王無後次及新化王新化父子卒有孫新垵在即召入府拜几筵為喪主表檄恣曰我尊行顧不得王上疏言新垵故新化王長子不得為人後新垵宜嗣新化王新塢宜嗣晉王禮部議新垵宜嗣是為簡王新垵母太妃尚氏嚴教子以禮太妃疾新垵叩頭露禱長史有數陳輒拜受教其老也以弟鎮國將軍新塢子慎鏡攝藩事萬曆三年薨慎鏡亦卒弟忠王慎鉅嗣七年薨子穆王敏淳嗣三

十八年薨子求桂嗣李自成陷山西求桂與秦王存樞
並為賊所執入北京不知所終慶成王濟炫晉恭王子
其生也太祖方御慶成宴因以為封永樂九年徙居潞
州坐擅發驛馬縱軍人為盜被責召還太原十年徙汾
州薨謚莊惠曾孫端順王奇湏正德中以賢孝聞賜敕
褒獎生子七十人嘉靖初尚書王瓊聞于朝嗣王表樂
樸茂寡言孝友好文學嘉靖三十年壽八十詔書嘉獎
賚以金幣輔國將軍奇添端順王弟也早卒夫人王氏

守節奉姑六十餘年世宗時以節孝旌又溫穆王曾孫
中尉知煇病篤淑人賀氏欲先死以殉取瀕一勺咽之
左右救奪遂絕飲食與知煇同時卒表樂以聞禮官言
會典無旌命婦例世宗特命旌之謚曰貞烈西河王竒
溯定王曾孫三歲而孤問父所在即慟哭長刻梅檀為
父順簡王像祀之母病渴中夜稽顙禱天俄有甘泉自
地湧出母飲泉病良已及卒哀毀骨立于表相嗣亦以
仁孝聞與寧河王表楠河東嗣王竒淮並為人所稱新

堞恭王七世孫家汾州崇禎十四年由宗貢生為中部知縣有事他邑土寇乘間陷其城坐免官已而復任署事者聞賊且至亟欲解印去新堞毅然曰此我致命之秋也即受之得賊所傳偽檄怒而碎之議拒守邑新遭寇無應者乃屬父老速去而已誓必死妻盧氏妾薛氏馮氏請先死許之有女數歲拊其背而勉之縊左右皆泣下乃書表封印使人馳送京師冠帶望闕拜又望拜其母遂自經士民葬之社壇側以妻女祔先是土寇薄

城縣丞光先與戰不勝自焚死新堞哭之慟為之誄曰
殺身成仁雖死猶生至是新堞亦死難

周定王櫛太祖第五子洪武三年封吳王七年有司請
置護衛于杭州帝曰錢塘財賦地不可十一年改封周
王命與燕楚齊三王駐鳳陽十四年就藩開封即宋故
宮地為府二十二年櫛棄其國來鳳陽帝怒將徙之雲
南尋止使居京師世子有燬理藩事二十四年十二月
敕歸藩建文初以櫛燕王母弟頗疑憚之櫛亦時有異

謀長史王翰數諫不納佯狂去櫟次子汝南王有勸告
變帝使李景隆備邊道出汴猝圍王宮執櫟竄蒙化諸
子並別徙已復召還京錮之成祖入南京復爵加祿五
千石永樂元年正月詔歸其舊封獻頌九章及佾舞明
年來朝獻騶虞帝悅宴賜甚厚以汴梁有河患將改封
洛陽櫟言汴堤固無重勞民力乃止十四年疏辭所賜
在城稅課十八年十月有告櫟反者帝察之有驗明年
二月召至京示以所告詞櫟頓首謝死罪帝憐之不復

問櫛歸國獻還三護衛仁宗即位加歲祿至二萬石櫛
好學能詞賦嘗作元宮詞百章以國土夷曠庶草蕃廡
考核其可佐饑饉者四百餘種繪圖疏之名救荒本草
闕東書堂以教世子長史劉淳為之師洪熙元年薨子
憲王有燬嗣博學善書弟有燠數訐有燬宣宗書諭之
有燠與弟有燿詐為祥符王有燿與趙王書繫箭上置
彰德城外詞甚悖都指揮王友得書以聞宣宗逮友訊
無跡召有燿至曰必有燠所為訊之具服並得有燿掠

食生人肝腦諸不法事于是並免為庶人有燬正統四年薨無子帝賜書有燬曰周王在日嘗奏身後務從儉約以省民力妃夫人以下不必從死年少有父母者遣歸既而妃鞏氏夫人施氏陳氏張氏歐氏韓氏李氏皆殉死詔謚妃貞烈六夫人貞順弟簡王有燬嗣景泰三年薨子靖王子埙嗣七年薨弟懿王子墮嗣成化二十一年薨子惠王同鑣嗣弘治十一年薨世子安瀕未襲封而卒孫恭王睦藩嗣謚安瀕悼王初安瀕為世子與

弟平樂王安泛義寧王安湊爭漁利置囹圄刑具集亡
賴為私人惠王戒安潢不從王怒安泛因而傾之安潢
亦持安泛不法事惠王薨羣小交搆安潢奏安泛私壞
社稷壇營私第安泛亦誣奏安潢諸陰事下鎮巡官按
驗頃之安潢死其子睦樞立而幼安泛侵陵世子妃安
湊亦訐妃出不正其子不可嗣十三年帝命太監魏忠
刑部侍郎何鑑按治安泛懼益誣世子毒殺惠王並世
子妃淫亂所連逮千人鑑等奏其妄廢安泛為庶人幽

鳳陽安涖亦革爵嘉靖十七年睦樞薨子勤熄先卒孫
莊王朝垌嗣三十年薨子敬王在鉦嗣萬厯十年薨子
端王肅泰嗣薨子恭枵嗣崇禎十四年冬李自成攻開
封恭枵出庫金五十萬餉守陴者懸賞格殪一賊予五
十金賊穴城守者投以大賊被薙死不可勝計乃解圍
去明年正月帝下詔褒獎且加勞曰此高皇帝神靈憫
宗室子孫維城莫固啟王心而降之福也其年四月自
成再圍汴築長圍城中樵採路絕九月賊決河灌城城

圮恭枵從後山登城樓率宮妃及寧鄉安鄉永壽仁和
諸王露棲雨中數日授軍駐河北以舟來迎始獲免事
聞賜書慰勞並賜帑金文綺命寄居彰德汴城之陷也
死者數十萬諸宗皆沒府中分罷寶藏盡倫於巨浸踰
年乃從水中得所奉高帝高后金容迎至彰德奉焉久
之王薨贈謚未行國亡其孫南走死于廣州鎮平王有
煥定王第八子嗜學工詩作道統論數萬言又採厯代
公族賢者自夏五子迄元太子精吉木百餘人作賢王

傳若干卷博平王安減惠王十三子惠王有子二十五人而安減獨賢嘗輯貽後錄養正錄諸書勤于治生田園僮奴車馬甚具賓客造門傾已納之其時稱名德者必曰博平南陵王睦模悼王第九子敏達有識嘉靖四十一年御史林閏言天下財賦歲供京師米四百萬石而各藩祿歲至八百五十三萬石山西河南存留米二百三十六萬三千石而宗室祿米五百四萬石即無災傷蠲免歲輸亦不足供祿米之半年復一年愈加蕃衍

勢窮弊極將何以支事下諸王議明年睦樸條上七議
請立宗學以崇德教設科選以厲人才嚴保勘以杜冒
濫革冗職以除素餐戒奔競以息饕貪制拜掃以廣孝
思立憂制以省祿費詔下廷臣參酌之其後諸藩遂稍
稍陳說利弊尚書李春芳集而上焉及頒宗藩條例多
採睦樸議云鎮國中尉睦樸字灌甫鎮平王諸孫父奉
國將軍安河以孝行聞于朝璽書旌賚既沒周王及宗
室數百人請建祠詔賜祠額曰崇孝睦樸幼端穎郡人

李夢陽奇之及長被服儒素覃精經學從河洛間宿儒游年二十通五經尤邃于易春秋謂本朝經學一稟宋儒古人經解殘闕放失乃訪求海內通儒繕寫藏弃若李鼎祚易解張洽春秋傳皆叙而傳之呂柟嘗與論易歎服而去益訪購古書圖籍得江都葛氏章邱李氏書萬卷丹鉛厯然論者以方漢之劉向竊室東坡延招學者通懷好士而內行修潔事親晨昏不離側喪三年居外舍有弟五人親為教督盡推遺產與之萬厯五年舉

文行卓異為周藩宗正領宗學約宗生以三六九日午前講易詩書午後講春秋禮記雖盛寒暑不輟所撰有五經稽疑六卷授經圖傳四卷韻譜五卷又作明帝世表周國世系表建文遜國褒忠錄河南通志開封郡志諸書巡撫御史褚鈇議稍減郡王以下歲祿均給貧宗帝遣給事中萬象春就周王議新會王睦棹號于衆曰裁祿之謀起于睦棹聚宗室千餘人繫之裂其衣冠上書抗詔帝怒廢睦棹為庶人睦棹屢疏引疾乞休詔勉

起之又三年卒年七十宗人頌功德者五百人詔賜輔國將軍禮葬之異數也學者稱為西亭先生時有將軍安瀨者一歲喪母事其父以孝聞父病革刲臂為湯飲父父良已年七十追念母不逮養服哀廬墓三年詔旌其門素精名理聲譽大著人稱睦樛為大山安瀨為小山云又勤熨者鎮國中尉也嘉靖中上書曰陛下躬上聖之資不法古帝王兢業萬幾擇政任人乃溺意長生屢修齋醮興作頻仍數年來朝儀久曠委任非人遂至

賄賂公行刑罰倒置奔競成風公私殫竭脫有意外變
臣不知所終帝覽疏怒坐誹謗降庶人幽鳳陽子朝
已賜名以罪人子無敢為請封者上書請釋父罪且陳
中興四事詔並禁錮穆宗登極釋歸命有司存恤

楚昭王楨太祖第六子始生時平武昌報適至太祖喜
曰子長以楚封之洪武三年封楚王十四年就藩武昌
嘗錄御註洪範及大寶箴置座右十八年四月銅鼓思
州諸蠻亂命楨與信國公湯和江夏侯周德興帥師往

討和等分屯諸洞立柵與蠻人雜耕作久之擒其渠魁
餘黨悉潰三十年古州蠻叛帝命楨帥師湘王柘為副
往征楨請餉三十萬又不親蒞軍帝詰責之命城銅鼓
衛而還是年熒惑入太微詔諭楨戒慎楨書十事以自
警未幾楨子巴陵王卒弟復與敕曰舊歲熒惑入太微
太微天庭居翼軫楚分也五星無故入災必甚焉爾子
疾逝恐災不止此尚省慎以回天意至冬王妃薨時初
設宗人府以楨為右宗人永樂初進宗正二十二年薨

子莊王孟烷嗣敬慎好學宣德中平江伯陳瑄密奏湖
廣東南大藩襟帶湖湘控引蠻越人民蕃庶商賈輻聚
楚設三護衛自始封至今生齒日繁兵強國富小人行
險或生邪心請選其精銳以轉漕為名俟至京師因而
留之可無後患帝曰楚無過不可孟烷聞之懼五年上
書請納兩護衛自留其一帝勞而聽之正統四年薨子
憲王季垸嗣事母鄧妃至孝英宗賜書獎諭著東平河
間圖贊為士林所誦八年薨弟康王季淑嗣天順六年

堯再從子靖王均鉞嗣正德五年堯子端王榮滅嗣以仁孝著稱武宗表曰彰孝之坊嘉靖十三年堯子愍王顯榕嗣居喪哀痛過慶禮却賀端王壻儀賓沈寶與顯榕有隙使人誣奏顯榕左右呼顯榕萬歲且誘顯榕設水戲以習水軍世宗下其章撫臣具言顯榕居喪能守禮寶坐誣削為民顯榕妃吳氏生世子英耀性淫惡嘗祔顯榕宮人顯榕知之杖殺其所使陶元兒英耀又使卒劉金納妓宋么兒于別館顯榕欲罪金金遂誘英耀

謀為逆嘉靖二十四年正月十八日張燈置酒饗顯榕
別宴顯榕弟武岡王顯槐于西室酒半金等從座後出
以銅爪擊顯榕腦立斃顯槐驚救被傷奔免英耀徒顯
榕屍宮中命長史孫立以中風報王從者朱貴挾門出
告變撫按官以聞英耀懼具疏奏辨且逼崇陽王顯休
為保奏通山王英炊不從直奏英耀弑逆狀詔遣中官
及駙馬都尉鄔景和侍郎喻茂堅往訊英耀辭服詔逮
入京是年九月告太廟伏誅焚屍揚灰悉誅其黨革顯

休祿十之三顯槐英炊皆資金幣而以顯榕次子恭王
英煥嗣隆慶五年薨子華奎幼萬厯八年始嗣爵衛官
王守仁上告曰遠祖定遠侯弼楚王楨妃父也遺璫寶
數十萬寄楚帑為嗣王侵匿詔遣中官清核華奎奏辨
且請避宮搜掘皆不報久之繫鞠王府承奉等無所得
時諸璫方以搜括希上意不欲暴守仁罪帝頗悟罷其
事華奎乃奏上二萬金助三殿工三十一年楚宗人華
越等言華奎與弟宣化王華壁皆非恭王子華奎乃恭

王妃兄王如言子抱養宮中華壁則王如言家人乃恭
子也華越妻即如言女知之悉禮部侍郎郭正域請行
勘大學士沈一貫右華奎委撫按訊皆言偽王事無左
驗而華越妻持其說甚堅不能決廷議令覆勘中旨以
楚王襲封已二十餘年宜治華越等誣罔御史錢夢皋
為一貫劾正域正域發華奎行賄一貫事華奎遂訟言
正域主使正域罷去東安王英燧武岡王華增江夏王
華宣等皆言偽跡昭著行賄有據諸宗人赴都投揭奉

旨切責罰祿削爵有差華起坐誣告降庶人錮鳳陽未
幾華奎輸賄入都宗人遮奪之巡撫趙可懷屬有司捕
治宗人蘊鈐等方恨可懷治楚獄不平遂大開毆可懷
死巡按吳楷以楚叛告一貫擬發兵會勦命未下諸宗
人悉就縛于是斬二人勒四人自盡錮高墻及禁閒宅
者復四十五人三十三年四月也自是無敢言楚事者
久之禁錮諸人以恩詔得釋而華奎之真偽竟不白其
後張獻忠掠湖廣華奎募卒自衛以張其在為帥獻忠

兵至武昌其在為內應執華奎沉之江諸宗無得免者
武岡王顯槐端王第三子也嘉靖四十三年上書條藩
政請設宗學擇立宗正宗表督課親郡王以下子弟十
歲入學月餼米一石三載督學使者考績陟其中程式
者全祿之五試不中課則黜之給以本祿三之二其庶
人暨妻女月餼六石庶女勿加恩其後廷臣集議多采
其意

齊王傅太祖第七子洪武三年封十五年就藩青州二

十三年命王帥護衛及山東徐邳諸軍從燕王北征二十四年復帥護衛騎士出開平時已令潁國公傅友德調發山東都司各衛軍出塞諭王遇敵當自為隊奏凱之時勿與諸將爭功博數厯塞上以武畧自喜然性凶暴多行不法建文初有告變者召至京廢為庶人與周王同禁錮燕兵入金川門急遣兵護二王二王卒不知所以大怖伏地哭已知之乃大喜成祖令王齊如故博益驕縱帝與書召來朝面諭王無忘患難時博不悛陰

畜刺客招異人術士為咒詛輒用護衛兵守青州城並
城築苑牆斷往來守吏不得登城夜巡李拱曾名深等
上急變搏拘匿以滅口永樂三年詔索拱諭搏改過是
時周王橐亦中浮言上書謝罪帝封其書示搏明年五
月來朝廷臣劾搏罪搏厲聲曰奸臣喋喋又欲效建文
時耶會盡斬此輩帝聞之不懌留之京邸削官屬護衛
誅指揮柴直等盡出搏繫囚及所造不法器械羣臣請
罪教授葉垣等帝曰王性凶悖朕溫詔開諭至六七猶

不悟教授輩如王何垣等先自歸發其事可勿問搏既被留孟有怨言是年八月召其子至京師並廢為庶人宣德三年福建妄男子樓濂詭稱七府小齊王謀不軌事覺械至京誅其黨數百人搏及三子皆暴卒幼子賢懌安置廬州景泰五年徙齊庶人谷庶人置南京敕守臣慎防後谷庶人絕齊庶人請得谷庶人第嘉靖十三年釋高牆庶人長鑿搏曾孫也萬厯中有承綵者亦搏裔齊宗人多凶狡獨承綵頗好學云

潭王梓太祖第八子洪武三年封十八年就藩長沙梓英敏好學善屬文嘗召府中儒臣設醴賦詩親品其高下賚以金幣妃于氏都督顯女也顯子琥初為寧夏指揮二十三年坐胡惟庸黨顯與琥俱坐誅梓不自安帝遣使慰諭且召入見梓大懼與妃俱焚死無子除其封趙王杞太祖第九子洪武二年生次年受封明年殤魯荒王檀太祖第十子洪武三年生兩月而封十八年就藩兗州好文禮士善詩歌餌金石藥毒發傷目帝

惡之二十二年薨謚曰荒子靖王肇輝甫彌月母妃湯
信國公和女撫育教誨有度永樂元年三月始得嗣成
祖愛重之車駕北巡過充錫以詩幣宣德初上言國長
史鄭昭紀善王貞奉職三十年矣宜以禮致其事帝謂
蹇義曰皇祖稱王禮賢敬士不虛也許之成化二年薨
子惠王泰堪嗣九年薨子莊王陽鑄嗣嘉靖二年薨莊
王在位久世子當浚當澐子健棧皆前卒健棧子端王
觀煊嗣狎典膳秦信等游戲無度挾娼樂裸男女雜坐

左右有忤者雖斧立斃或加以炮烙信等乘勢殘殺人
館陶王當愬亦淫暴與觀煊交惡相訐奏帝念觀煊尚
幼革其祿三之二逮誅信等亦革當愬祿三之一二十
八年觀煊薨子恭王頤坦嗣有孝行捐郎中田湖贍貧
民辭常祿給貧宗前後七賜璽書嘉勞萬厯二十二年
薨世子壽鑄先卒弟敬王壽鏐嗣二十八年薨弟憲王
壽鉉嗣崇禎九年薨弟肅王壽鏞嗣薨子以派嗣十五
年

大清兵克兗州就執死弟以海轉徙台州張國維等迎居于紹興號魯監國

順治三年六月

大兵克紹興以海遁入海久之居金門鄭成功禮待頗恭既而懈以海不能平將往南江成功使人沈之海中歸善王當汭莊王幼子也正德中賊攻兗州帥家象乘城取護衛弓弩射却賊降敕獎諭遂以健武聞時有卒袁質與舍人趙巖俱家東平武斷為鄉人所惡吏部主

事梁穀亦東平人少不檢倚惡少為助既貴頗厭苦之
又與千戶高乾有怨正德九年穀邑人西鳳竹屈昂誑
穀云質巖且為亂穀心動因並指乾等告變于尚書楊
一清兵部議以大兵駐濟南伺變先是當汭數與質巖
校射至是當汭父莊王聽長史馬魁譖言當汭結質巖
欲反虞禍及奏於朝帝遣司禮太監溫祥大理少卿王
純錦衣衛指揮韓端往按問祥等至圍當汭第執之祥
等讞穀所指皆平人魁懼事敗乃諷所厚陳環及術士

李秀佐證之復以書及賄抵鎮守太監畢真使逮二人詰問已而二人以實對書賄事亦為真所發于是御史李翰臣劾穀報怨邀功長史魁惑王岡奏宜即訊詔下翰臣獄謫廣德州判官免穀罪不問御史程啓充等疏言穀魁鼓煽流言死不蔽罪縱首禍而謫言者非國體不報廷臣議當沴罪卒無所坐以藏護衛兵器違祖制廢為庶人戍質等於肅州所連逮多瘐死魁坐誣奏斬鳳竹昂流口外中官送當沴之高牆當沴大慟曰冤乎

觸墻死聞者傷之輔國將軍當漬鉅野王泰塏諸孫也
慷慨有志節嘉靖三年上書請停郡縣主郡縣君卹典
以蘇民困七年奏辭輔國將軍並子奉國將軍祿佐疏
運河賜敕褒諭又上書言各藩郡縣主郡縣君先儀賓
沒者故事儀賓得支半祿今四方災傷邊陲多事民之
財盡而各儀賓暴橫侈肆多不法請勿論品級減其月
給明年又請以父子應得祿米佐振因勸帝法祖宗重
國本裁不急之費息土木之工詞甚剴切帝嘉其意特

敕褒之不聽辭祿時東甌王健楸無子上書言宗室所以蕃由詐以媵子為嫡糜費縣官今臣無嫡嗣請以所受府第屯廠盡歸魯府待給新封省民財萬一乞著為例報可奉國將軍健根鉅野王陽鑒諸孫博通經術年七十猶縱談名理亶亶不倦嘉靖中詔褒其賢孝子鎮國中尉觀樞字中立居母喪蔬食逾年哀毀骨立嘗繪太平圖上獻世宗嘉獎之賜承訓書院名額並五經諸書弟觀毅以詩畫著名同時鉅野中尉頤塚安邱將軍

頤墉聲詩清拔樂陵王頤璣亦喜稱詩安邱王當遂靖
王曾孫少孤事祖父母以孝聞曾孫頤堀好學秉禮尤
諳練典故藩邸中有大疑輒就決一意韜晦監司守令
希見其面年七十餘猶手不廢書魯府宗室壽鉞家兗
州崇禎中為雲南通判有聲績永明王由榔在廣西以
為右僉都御史使募兵值沙定州亂兵不能集孫可望
兵至壽鉞知不免張麾蓋往見之行三揖禮曰謝將軍
不殺不掠之恩可望脅之降不從繫他所使人誘以官

終不從從容題詩于壁或以詩報可望遂遇害

明史卷一百十六

欽定四庫全書

明史卷一百十六考證

晉恭王傳或告桐有異謀帝大怒欲罪之

臣嚴福按

明實錄桐來朝時廢為庶人居京甚久號泣悔罪乃復爵敕歸時桂彥良汪河為其官屬桐待之有禮

數命將兵出塞及築城屯田

臣嚴福按明實錄桐與

燕王同出塞燕王深入北庭桐第築城於下水太祖

切責之

周定王傳從河洛間宿儒游

臣嚴福按朱彝尊明詩

綜睦樗受禮於睢陽許先三月而盡其學

益購訪古書圖籍得江都葛氏章邱李氏書萬卷丹鉛

厯然

臣嚴福按朱彝尊明詩綜睦樗傾貲購書竭

四十年之力倣唐人四部法用牙籤識別凡一萬二千五百六十卷起萬卷堂諷誦其中築室東陂之上
有陂上詩文集

楚昭王傳十四年就藩

臣嚴福按明實錄楚王於十

四年就藩即率江夏侯周德興討散毛諸洞蠻明年
討大庸諸洞二十年討雲南阿魯速二十四年征西
番二十七年討道州全州叛猓二十八年討桂陽山
寇二十九年討瀘溪黔陽諸蠻並有功

明史卷一百十六考證

欽定四庫全書

明史卷一百十七

大學士張廷玉等奉 敕修

列傳第五

諸王二

太祖諸子二

蜀王椿

湘王柏

代王桂

襄垣王遜煒

靈邱王遜烜

成銀

廷鄭

肅王楨

遼王植

慶王榑

寧王權

蜀獻王椿太祖第十一子洪武十一年封十八年命駐鳳陽二十三年就藩成都性孝友慈祥博綜典籍容止都雅帝嘗呼為蜀秀才在鳳陽時闕西堂延李叔荆蘓伯衡商榷文史既至蜀聘方孝孺為世子傅表其居曰正學以風蜀人詣講郡學知諸博士貧分祿餼之月一石後為定制安車賜長史陳南賓聞義烏王紳賢聘

至待以客禮紳父禕死雲南往求遺骸資給之時諸王
皆備邊練士卒椿獨以禮教守西陲番人入寇燒黑崖
關椿請於朝遣都指揮瞿能隨涼國公藍玉出大渡河
邀擊之自是番人讐伏前代兩川之亂皆因內地不逞
者鉤致為患有司私市蠻中物或需索起爭端椿請繒
錦香扇之屬從王邸定為常貢此外悉免宣索蜀人由
此安業日益殷富川中二百年不被兵革椿力也成祖
即位來朝賜子倍諸藩谷王穗椿母弟也圖不軌椿子

悅燭獲咎於椿走穗所穗稱為故建文君以詭衆永樂十四年椿暴其罪帝報曰王此舉周公安王室之心也入朝賚金銀繒綵鉅萬二十一年薨世子悅熾先卒孫靖王友堉嗣初華陽王悅燿謀奪嫡椿覺之會有他過杖之百將械於朝友堉為力請得釋椿之薨友堉方在京師悅燿竊王帑友堉歸不問悅燿更誣奏友堉怨詐成祖召入訊之會崩仁宗察其誣命歸藩召悅燿悅燿猶執奏仁宗抵其章於地遷之武岡復遷澧州宣德五

年總兵官陳懷奏都司私遺蜀邸礮用以警夜非制詔
逮都司首領官明年獻還二護衛從之是年薨妃李侍
姬黃皆自經以殉無子弟僖王友黨由羅江王嗣九年
薨獻王第五子和王悅熨由保寧王嗣天順五年薨繼
妃徐氏年二十六不食死謚靜節子定王友垓嗣七年
薨子懷王申鉉嗣成化七年薨弟惠王申鑿嗣弘治六
年薨子昭王賓瀚嗣正德三年薨子成王讓栩嗣自椿
以下四世七王幾百五十年皆檢飭守禮法好學能文

孝宗恒稱蜀多賢王舉獻王家範為諸宗法讓相尤賢
明喜儒雅不通聲伎創義學修水利振災卹荒嘉靖十
五年巡撫都御史吳山巡按御史金燦以聞賜敕嘉獎
署坊表曰忠孝賢良二十年建太廟獻黃金六十斤白
金六百斤酬以玉帶幣帛二十六年薨子康王承燾嗣
三十七年薨子端王宣圻嗣萬厯四十年薨子恭王奉
銓嗣四十三年薨子至澍嗣崇禎末京師陷蜀尚無恙
未幾張獻忠陷成都合宗被害至澍率妃妾投於井

湘獻王柏太祖第十二子洪武十一年封十八年就藩
荊州性嗜學讀書每至夜分開景元閣招納俊乂日事
校讐志在經國喜談兵膂力過人善弓矢刀槊馳馬若
飛三十年五月同楚王楨討古州蠻每出入縹囊載書
以隨遇山水勝境輒徘徊終日尤善道家言自號紫虛
子建文初有告柏反者帝遣使即訊柏懼無以自明闔
宮焚死諡曰戾王無子封除永樂初改諡獻置祠官守
其園

代簡王桂太祖第十三子洪武十一年封豫王二十五年改封代是年就藩大同糧餉艱遠令立衛屯田以省轉運明年詔帥護衛兵出塞受晉王節制桂性暴建文時以罪廢為庶人成祖即位復爵永樂元年正月還晉封十一月賜璽書曰聞帝縱戮取財國人甚苦告者數矣且王獨不記建文時耶尋命有司自今王府不得擅役軍民斂財物聽者治之已復有告王不軌者賜敕列其三十二罪名入朝不至再召至中途遣還草其三護

衛及官屬王妃中山王徐達女仁孝文皇后妹也驕妒
嘗漆桂二侍女為癩事聞帝以中山王故不罪桂移怒
世子遜端出其母子居外舍桂已老尚時時與諸子遜
料遜煇窄衣禿帽遊行市中袖錘斧傷人王府教授楊
普上言遜料狎軍人武亮與博戲致錘殺軍人朝廷杖
治亮降勅責戒稍斂戢十六年四月復護衛及官屬正
統十一年桂薨世子遜端先卒孫隱王仕堦嗣景泰中
嘗上言總兵官郭登守城功朝廷為勞登天順七年薨

子惠王成鍊嗣弘治二年薨子聰洙先封武邑王以肆
酒草爵已居惠王喪益淫酗廢為庶人遷太原久之惠
王妃為疏理復封武邑王卒子懿王俊杖藜封代王嘉
靖三年大同軍叛圍王宮俊杖走免事平賜書慰問六
年薨子昭王充燿嗣十二年大同軍又叛充燿走宣府
再賜慰問事平返國奏亂賊既除軍民交困乞遣大臣
振撫詔允行二十四年和州奉國將軍充灼坐罪奪祿
恕充燿不為解乃與襄垣中尉充焮謀引敵入大同殺

王會應州人羅廷璽等以白蓮教惑衆見充灼為妖言
因畫策約奉小王子入塞藉其兵攻鴈門取平陽立充
灼為主事定即計殺小王子充灼然之先遣人陰持火
箭焚大同草場五六所而令通蒙古語者衛奉關出邊
為總兵周尙文邏卒所獲並得其所獻小王子表鞫實
以聞逮充灼等至京賜死焚其屍王府長史等官皆逮
治總督侍郎翁萬達疏言大同挾瘠祿餉不支代宗日
繁衍衆聚而貧且地近邊易生反側請量移和州昌化

諸郡王於山狹隙地詔改遷於山西先是景泰間昌化王仕璋乞移封景帝不許至是乃遷代宗自簡至懿封郡王者凡二十有三而外徙者十王二十六年充燿堯子恭王廷埼嗣饒陽王充熹數以事侵廷埼恐得罪乃以陳邊事為名三十一年奏鎮巡官之罪世宗為黜巡撫都御史何思逮總兵官徐仁等充熹益驕遂與廷埼互訐前後勘官莫能判巡撫都御史侯鉞奏奪其祿充熹怒不承三十三年詔遣司禮少監王臻即訊究熹乃

伏下法司錮高牆萬厯元年廷埒堯子定王鼎鉉嗣二
十二年堯無子弟新寧王鼎鈞嗣堯子康王鼎渭嗣崇
禎二年堯再傳至孫傳燾崇禎十七年三月李自成入
大同闔門遇害襄垣王遜煒簡王第五子分封蒲州諸
王就藩後非請命不同歲時定省遜煒念大同不置作
思親篇詞甚悲切其後宗人聰灋聰冬俊櫟俊權俊暉
俊杓俊喙充煒皆嫻於文章俊喙字若訥尤博學有感
名不慕榮利姊陵川縣君適裴禹卿地震城崩禹卿死

縣君以首觸棺木嘔血卒年二十有一詔謚貞節邱王
遜烜簡王第六子宣宗時封好學工詩尤善醫嘗施藥
治瘟疫全活無算子仕塲孫成鈺曾孫聰湧三王皆以
孝旌聰湧子俊格能文善書嘉靖時獻皇儲明堂二頌
興獻帝后挽歌賜金帛聰湧嘗乞封其孫廷址為曾長
孫禮官奏無故事帝以王壽考特許之已而復封廷址
子鴈瀛為元長孫聰湧薨年八十三葬鍊襲高祖爵聰
湧之從父成鍛亦有孝行聰湧聞於朝賜金幣獎諭詔

禮官自今宗室中孝行卓異如成鑑者撫按疏聞又成
鉅者隰川王諸孫父仕塲坐罪幽鳳陽病死成鉅微服
走鳳陽視喪上疏自劾越禁乞負父骨歸葬澤州即不
得願為庶人止墓側歲時省視詔許歸塋弟城鎮亦好
學有志槩嘉靖十三年上言雲中叛卒之變幸獲稍弭
究其釁端實貪酷官吏激成之臣慮天下之禍隱於民
心異日不獨雲中而已指陳切直帝下廷臣飭行時以
其兄弟為二難焉萬厯二十年西夏弗寧山陰王俊柵

奏詩八章寓規風之旨代處塞上諸宗洊經禍亂其言
皆憂深思遠有中朝士大夫所不及者廷鄣代府宗室
也崇禎中為鞏昌府通判署秦州事有廉直聲十六年
冬賊陷秦州被執使之跪叱曰我天朝宗姓頭可斷膝
不可屈賊欲活之大呼曰今日惟求一死坐自若遂被
害

肅莊王橫太祖第十四子洪武十四年封漢王二十四
年命偕衛谷慶寧岷五王練兵臨清明年改封肅又明

年詔之國以陝西各衛兵未集命駐平涼二十八年始就藩甘州詔王理陝西行都司甘州五衛軍務三十年令督軍屯糧遇征伐以長興侯耿炳文從建文元年乞內徙遂移蘭州永樂六年以捶殺衛卒三人及受哈密進馬逮其長史官屬已又聽百戶劉成言罪平涼衛軍器械成等京師十七年薨子康王瞻熒嗣宣德七年上二護衛府中被盜為榜募告捕者御史言非制罪其長史楊威瞻熒又請加歲祿敕曰洪武永樂間歲祿不過

五百石莊王不言者以朝廷念遠地轉輸難故也仁考即位加五百石矣朕守祖制不敢違正統元年上言甘州舊邸改都司而先王墳園尚在乞禁近邸樵採從之天順三年上馬五百匹備邊予直不受帝強予之八年薨子簡王祿埤嗣成化十五年薨子恭王貢鯨嗣嘉靖十五年薨世子真泚長孫弼桓皆蚤卒次孫定王弼枕嗣四十一年薨子緒炯先卒孫懷王紳堵嗣踰二年薨無子靖王第四子弼柿子輔國將軍縉熿以屬近宜嗣

禮官言縉燾懷王從父不宜襲詔以本職理府事上冊
寶罷諸官屬穆宗即位定王妃吳氏及延長王真澆等
先後上言聖祖刈羣雄定天下報功之典有隆無替臣
祖莊王受封邊境操練征戍屏衛天家不幸大宗中絕
反拘於昭穆之次不及勲武繼絕之典非所以崇本支
厚藩衛也下部議議以郡王理藩政帝不許隆慶五年
特命縉燾嗣肅王設官屬之半萬曆十六年薨謚曰懿
子憲王紳堯嗣四十六年薨子識鋹嗣崇禎十六年冬

李自成破蘭州被執宗人皆死

遼簡王植太祖第十五子洪武十一年封衛王二十五年改封遼明年就藩廣寧以宮室未成暫駐大凌河北樹柵為營帝命武定侯郭英為築城郭宮室英王妃父也督工峻急會高麗自國中至鴨綠江皆積粟帝慮其有陰謀而役作軍士艱苦令輟役至三十年始命都督楊文督遼東諸衛士繕治之增其雄堞以嚴邊衛復圖西北沿邊要害示植與寧王權諭之曰自東勝以西至

寧夏西河察罕諾爾東勝以東至大同宣府開平又東南至大寧又東至遼東抵鴨綠江北至大漠又自鴈門關外西抵黃河渡河至察罕諾爾又東至紫荆關又東至居庸關及古北口又東至山海衛凡軍民屯種地毋縱畜牧其荒曠地及山場聽諸王駙馬牧放樵採東西往來營駐因以時練兵防寇違者論之植在邊習軍旅屢樹軍功建文中北平兵起召植及寧王權還京植渡海歸朝改封荊州永樂元年入朝帝以植初貳於已嫌

之十年削其護衛留軍校厨役三百人備使令二十二年薨長子陽王貴烺嗣初植庶子遠安王貴燮巴東王貴煊嘗告其父有異謀及父死又不奔喪仁宗即位皆廢為庶人正統元年府僚乞加王祿敕曰簡王得罪朝廷成祖特厚待仁宗朝加祿得支二千石宣宗又給旗軍三百人親親已至王素乖禮度府臣不匡正顧為王請乎不許三年巡撫侍郎吳政奏王不友諸弟待庶母寡恩捶死長史杜述居國多過召訊京師盡得其淫穢

黷倫兇暴諸不法事明年四月廢為庶人守簡王園弟
肅王貴燬嗣成化七年薨子靖王豪城嗣十四年薨子
惠王思鑑嗣弘治五年松滋王府諸宗人思鑑等闖入
荊州府支歲祿思鑑禁之皆怨已儀賓袁鏞復誘思鑑
等招羣小奪軍民商賈利思鑑發其事思鑑等愈怨謀
殺王朝廷遣官按實幽思鑑等鳳陽謫戍其黨有差思
鑑陰使送者刑梏之死八十餘人不數日世子暴卒八
年恩鑑疽發背薨子恭王寵沒嗣與弟光澤王寵瀛友

愛飲食服御必俱寵濫有令德寵沒有事必告之後行
正德十六年堯子莊王致格嗣病不視事妃毛氏明書
史沈毅有斷中外肅然賢聲聞天下嘉靖十六年致格
薨子憲熾嗣以奉道為世宗所寵賜號清微忠教真人
子金印隆慶元年御史陳省劾憲熾諸不法事詔奪真
人號及印明年巡按御史邵光先復劾其大罪十三命
刑部侍郎洪朝選往勘具得其淫虐僭擬諸罪狀帝以
憲熾宜誅念宗親免死廢為庶人錮高牆初副使施篤

臣憾憲熾甚朝選至湖廣督臣詐為憲熾書餽朝選因
刼持之憲熾建白轟曰訟寃之轟篤臣驚曰王反矣使
卒五百圍王宮朝選還朝實王罪不言王反大學士張
居正家荊州故與憲熾有隙噉朝選不坐憲熾反久之
屬巡撫都御史勞堪羅織朝選死獄中其後居正死憲
熾訟寃籍居正家而篤臣亦死遼國除諸宗隸楚藩以
廣元王述堦為宗理

慶靖王櫛太祖第十六子洪武二十四年封二十六年

就藩寧夏以餉未敷令駐慶陽北古韋州城就延安綏寧租稅二十六年詔王理慶陽寧夏延安綏德諸衛軍務三十年始建邸王好學有文忠孝出天性成祖善之令歲一至韋州度夏宣德初言寧夏卑濕水泉惡乞仍居韋不許令歲一往來如成祖時正統初寧夏總兵官史昭奏王沮邊務占靈州草場畜牧遣使由綏德草地往還煽惑土民章未下或告王閱兵造戎器購天文書橐疑皆昭為之三年上書請徙國避昭英宗不可貽書

慰諭其年薨子康王秩燿嗣景泰元年以寧夏屢被兵
乞徙內地不許成化五年薨子懷王邃鑾嗣十五年薨
弟莊王邃墀嗣弘治四年薨子恭王寘鋈嗣十一年薨
子定王台滋嗣正德五年安化王寘鐸反台滋稽首行
君臣禮詔削護衛草祿三之一戍其承奉長史嘉靖三
年台滋賄鎮守太監李昕總兵官种勛求為奏請復祿
昕勛不納台滋銜之會寧夏衛指揮楊欽等得罪於巡
撫都御史張 謀藉王殺 及勛事覺下都司按察司

按治欽等誣台浚不軌以聞帝使太監扶安副都御史王時中等復按上言台浚他罪有之無謀不軌事詔廷臣定議坐前屈事寘鐫蒙恩不悛煽構羣小謀害守爵廢為庶人留邸歲與米三百石以其叔父鞏昌王寘釰攝府事寘釰裁慶邸宮妃薪米取邸中金帛萬計台浚子鼐櫓幼失愛於父逃寘釰所寘釰造台浚謀逆謠語使寺人誘鼐櫓吟誦圖陷台浚自立懷王妃王氏奏寘釰裁減衣食至不能自存豐林王台瀚亦欲陷寘釰

遂發其瀆亂人倫諸罪驗實廢為庶人幽高牆廷議謂
台滋父子乖離徙台滋西安而封鼎檟世子視府事十
一年十月也十五日以兩宮徽號恩復台滋冠帶薨鼎
檟先卒弟惠王鼎枋嗣好學樂善以禮飭諸宗世宗賜
之敕建坊表之寧夏築邊牆鼎枋出銀米佐工萬厯二
年薨子端王倪燾嗣十六年薨子憲王伸域嗣十九年
薨明年寧夏賊巴拜反王妃方氏匿其子帥鉅地窖中
自經死時壽陽嗣王倪燾巴拜脇降之不屈為所囚鎮

原王仲瑄理府事謀襲賊弗克府中人皆被殺賊平御史劉芳譽言諸宗死節者俱應卹錄凡妃宜建祠旌表詔從之給銀一萬五千兩分振諸宗人帥鉉嗣薨子倬
灌嗣崇禎十六年流賊破寧夏被執安塞王秩炅靖王
灌嗣也十二而孤母位氏誨之性通敏過目不忘善古文遇搢紳學士質難辨惑移日不倦所著有隨筆二十
卷庶人寘鐸祖秩炅靖王第四子也封安化王父遂璫
鎮國將軍以寘鐸襲王爵性狂誕相者言其當大貴巫

王九兒教鸚鵡妄言禍福寘鐫遂覬望非分寧夏指揮周昂千戶何錦丁廣衛諸學生孫景文孟彬史連輩皆往來寘鐫所正德五年帝遣大理少卿周東度寧夏屯田東希劉瑾意以五十畝為一頃又畝歛銀為瑾賄敲扑慘酷戍將營卒皆憤怒而巡撫都御史安惟學數杖辱將士妻將士銜刺骨寘鐫知衆怒令景文飲諸武臣酒以言激之諸武臣多願從寘鐫者又令人結平鹵城戍將及素所厚張欽等會有邊警參將仇鉞副總兵楊

英帥兵出防禦總兵官姜漢簡銳卒六十人為牙兵令周昂領之遂與何錦定約四月五日寘鐸設宴邀撫鎮官飲於第惟學東不至錦昂帥牙兵直入殺姜漢及太監李增鄧廣於坐分遣卒殺惟學東及都指揮楊忠於公署遂焚官府釋囚繫撤黃河渡船於西岸以絕渡者遣人招楊英仇鉞皆佯許之英率衆保王宏堡衆潰英奔靈州鉞引還寘鐸奪其軍出金帛犒將士偽署何錦大將軍周昂丁廣副將軍張欽先鋒魏鎮楊泰等總兵

都護令孫景文作檄以討劉瑾為名陝西總兵官曹雄
聞變遣指揮黃正駐靈州檄楊英督靈州兵防黃河都
指揮韓斌總兵官侯勲參將時源各以兵會英密使蒼
頭執仇鉞為內應令史墉浮渡奪西岸船管河東焚大
小二壩草實鑄懼令錦等出禦獨留昂守城使使召鉞
鉞稱病昂來問疾鉞刺昂死令親兵馳實鑄第擊殺景
文連等十餘人遂擒實鑄迎英衆入實鑄反十有八日
而擒錦廣泰欽先後皆獲械送伏誅實鑄賜死諸子弟

皆論死有孫鼎材逃出削髮為僧居永寧山中未幾為
土僧所凌詣官言狀傳至京安化宮人左寶瓶在浣衣
居使驗之咤曰此鼎材殿下也帝念其自歸免死安置
鳳陽

寧獻王權太祖第十七子洪武二十四年封踰二年就
藩大寧大寧在喜峯口外古會州地東連遼左西接宣
府為巨鎮帶甲八萬草車六千所屬朵顏三衛騎兵皆
驍勇善戰權數會諸王出塞以善謀稱燕王初起兵與

諸將議曰昔余巡塞上見大寧諸軍慄悍吾得大寧斷
遼東取邊騎助戰大事濟矣建文元年朝議恐權與燕
合使人召權權不至坐削三護衛其年九月江陰侯吳
高攻永平燕王往救高退燕王遂自劉家口間道趨大
寧詭言窮蹙來求就權邀燕王單騎入城執手大慟具
言不得已起兵故求代草表謝罪居數日款洽不為備
北平銳卒伏城外吏士稍稍入城陰結三衛部長及諸
戍卒燕王辭去權祖之郊伏兵起擁權行三衛曠騎及

諸戌卒一呼畢集守將朱鑑不能禦戰歿王府妃妾世子皆隨入松亭闕歸北平大寧城為空權入燕軍時時為燕王草檄燕王謂權事成當中分天下比即位王乞改南土請蘇州曰畿內也請錢塘曰皇考以予五弟竟不果建文無道以王其弟亦不克享建寧崇慶荊州東昌皆善也惟弟擇焉永樂元年二月改封南昌帝親製詩送之詔即布政司為邸餽餽規制無所更已而人告權巫蠱誹謗事密探無驗得已自是日韜晦搆精廬一

區鼓琴讀書其間終成祖世得無患仁宗時法禁稍解
乃上書言南昌非其封國帝答書曰南昌叔父受之皇
考已二十餘年非封國而何宣德三年請乞近郭灌城
鄉土田明年又論宗室不應定品級帝怒頗有所詰責
權上書謝過時年已老有司多齟齬以示威重權日與
文學士相往還託志耕舉自號臞仙嘗奉敕輯通鑑博
論二卷又作家訓六篇寧國儀範七十四章漢唐祕史
二卷史斷一卷文譜八卷詩譜一卷其他註纂數十種

正統十三年薨世子盤斌先卒孫靖王奠培嗣奠培善文辭而性卞急多嫌猜景泰七年弟弋陽王奠璽訐其反逆巡撫韓雍以聞帝遣官往讞不實時軍民連逮者六七百人會英宗復辟俱赦釋惟謫戍其教授游堅奠培由是憾守土官不為禮布政使崔恭積不平王府事多持不行奠培遂劾奏恭不法恭與按察使原傑亦奏奠培私獻惠二王恭人逼內官熊壁自盡按問皆實遂奪獲衛踰三年而奠璽以有罪賜死初錦衣衛指揮遂

果聽訶事者言誣莫璵烝母帝令莫培具實以聞復遣
駙馬都尉薛桓與果按問莫培奏無是事果按亦無實
帝怒責問果果懼仍以爲實遂賜莫璵母子自盡焚其
屍是日雷雨大作平地水深數尺衆咸寃之弘治四年
莫培薨子康王覲鈞嗣十年薨子上高王宸濠嗣其母
故娼也始生靖王夢蛇啖其室旦日鵠鳴惡之及長輕
佻無威儀而善以文行自飾術士李自然李日芳妄言
其有異表又謂城東南有天子氣宸濠喜時時訶中朝

事聞謗言輒喜或言帝明聖朝廷治即怒武宗末年無
子羣臣數請召宗室子子之宸濠屬疎顧深結左右於
帝前稱其賢初宸濠賄劉瑾復所奪護衛瑾誅仍論奪
及陸完為兵部尚書宸濠結嬖人錢寧臧賢為內主欲
奏復大學士費宏執不可諸嬖人乘宏讀廷試卷取中
旨行之宸濠益恣擅殺都指揮戴宣遂布政使鄭岳御
史范輅幽知府鄭獻宗以方盡奪諸附王府民廬責民
間子錢強奪田宅子女養羣盜劫財江湖間有司不敢

問日與致仕都御史李士實舉人劉養正等謀不軌副使胡世寧請朝廷早裁抑之宸濠連奏世寧罪世寧坐謫成自是無敢言者正德十二年典儀閻順內官陳宣劉良間行詣闕上變寧賢等庇之不問宸濠疑出承奉周儀殺儀家及典伙查武等數百人巡撫都御史孫燧列其中道為所邀不得達宸濠又賄錢寧求取中旨召其子司香太廟寧言於帝用異色龍牋加金報賜異色龍牋者故事所賜監國書牋也宸濠大喜列仗受賀

復勒諸生父老奏闕下稱其孝且勤時邊將江彬新得
幸太監張忠附彬欲頃寧賢乘間為帝言寧賢盛稱寧
王陛下以為何如帝曰薦文武百執事可任使也薦藩
王何為者忠曰賢稱寧王孝譏陛下不孝耳稱寧王勤
譏陛下不勤耳帝曰然下詔逐王府人毋留闕下是時
宸濠與士實養正日夜謀益遣姦人盧孔章等分布水
陸孔道萬里傳報浹旬往返踪跡大露朝野皆知其必
反巡撫都御史孫燧七上章言之皆為所邀沮諸權奸

多得宸濠金錢匿其事不以聞四十四年御史蕭淮言
宸濠諸罪謂不早制將來之患有不可勝言者疏下內
閣大學士楊廷和謂宜如宣宗處趙府事遣勲戚大臣
宣諭令王自新帝命駙馬都尉崔元都御史顏頤壽太
監賴義持諭往收其護衛令還所奪官民田宸濠聞元
等且至乃定計以己生辰日宴諸守土官詰旦皆入謝
宸濠命甲士環之稱奉太后密旨令起兵入朝孫燧及
副使許逵不從縛出斬之執御史王金主事馬思聰金

山參議黃宏許做廉布政使胡廉參政陳杲劉棐僉事
賴鳳指揮許金白昂等下獄參政王綸季數僉事潘鵬
師夔布政使梁宸按察使楊璋副使唐錦皆從逆以李
士實劉養正為左右丞相王倫為兵部尚書集兵號十
萬命其承奉涂欽與素所蓄羣盜閔念四等畧九江南
康破之馳檄指斥朝廷七月壬辰朔宸濠出江西留其
黨宜春王拱樛內官萬銳等守城自帥舟師蔽江下攻
安慶汀贛巡撫僉都御史王守仁聞變與吉安知府伍

文定等檄諸郡兵先後至乃使奉新知縣劉守緒破其
墳廩伏兵戊申直攻南昌辛亥城破拱樛銳等皆就擒
官人自焚死宸濠方攻安慶不克聞南昌破大恐解圍
還守仁逆擊之乙卯遇於黃家渡賊兵乘風進薄氣驕
甚文定及指揮余恩佯北誘賊趨利前後不相及知府
邢珣徐連戴德孺從後急擊文定還兵乘之賊潰斬溺
萬計又別遣知府陳槐林城曾璵周朝佐復九江南康
明日復戰官兵稍却文定帥士卒殊死鬪擒斬二千餘

級宸濠乃退保樵舍明日官軍以火攻之宸濠大敗諸
妃嬪皆赴水死將士焚溺死者三萬餘人宸濠及其世
子郡王儀賓並李士實劉養正涂欽王綸等俱就擒宸
濠自舉事至敗蓋四十有三日時帝聞宸濠反下詔暴
其罪告宗廟廢為庶人逮繫尚書陸完璧人錢寧臧賢
等藉其家江彬張忠從吏帝親征至良鄉守仁捷奏至
檄止之守仁已械繫宸濠等取道浙江帝留南京遣許
泰朱暉及內臣張永張忠搜捕江西餘黨民不勝其擾

檄守仁還江西守仁至杭州遇張永以俘付之使送行
在十五年十二月帝受所獻俘回鑾至通州誅之封除
初宸濠謀逆其妃婁氏嘗諫及敗嘆曰昔紂用婦言亡
我以不用婦言亡悔何及嘉靖四年弋陽王拱楨等言
獻王惠王四服子孫所共祀非宸濠一人所自出如臣
等皆得甄別守職業如故而二王不獲廟享臣竊痛之
疏三上帝命弋陽王以郡王奉祀樂舞齋卽之屢半給
之寧藩既廢諸郡王勢頽碩莫能一帝命拱楨攝府事

卒樂安王拱樞攝拱樞奏以建安樂安弋陽三王分治
七支著為令石城王奠堵惠王第四子性莊毅家法甚
嚴靖王奠培與諸郡王交惡臨川弋陽皆被搆得罪奠
堵獨謹約不能坐以過失子覲鎬孝友有令譽早卒孫
宸浮嗣與母弟宸浦庶兄宸憫皆淫縱殺人弘治十二
年互訐奏宸浮宸浦並革為庶人宸瀼宸憫奪祿宸瀼
遂從宸濠反雷震死嘉靖二十四年復宸浮宸浦冠帶
宸憫子拱挺上書為父澡雪亦還爵宸瀼弟宸浮素方


正宸瀟欲屈之不得數使人火其居而諷諸宗資給之
以示惠宸深辭不受宸濠敗宸深得免子輔國將軍拱
概孫奉國將軍多燿曾孫鎮國中尉謀瑋三世皆端謹
自好而謀瑋尤貫串羣集通曉朝廷典故諸王子孫好
學敦行自周藩中尉睦樛而外莫及謀瑋者萬厯二十
二年廷議增設石城宜春管理命謀瑋以中尉理石城
王府事得効治不法者典藩政三十年宗人咸就約束
暇則閉戶讀書著易象通詩故春秋戴記魯論箋及他

書凡百十有二種皆手自繕寫黃汝享為進賢令投謁
抗禮劇談久之遂巡改席次日北面稱弟子人兩稱之
病草猶與諸子說易子八人皆賢而好學從弟謀替築
室龍沙躬耕賦詩以終奉國將軍拱搖瑞昌王奠墀四
世孫也父宸渠為宸濠累逮繫中都兄拱才請以身代
拱搖佐之卒得白嘉靖九年上書請建宗學令宗室設
壇墀行耕桑禮謹祀典加意恤刑皆得旨俞允捐田白
鹿洞瞻學者其後以議禮稱旨拱枏上大禮頌並賜敕

褒諭諸子羣從多知名者多溫多燉以孝友著多燠多
煇以秉禮嚴重稱多燾多燧多炘以善詞賦名而多煢
與從兄多燧獨杜門却掃多購異書校讐以為樂萬厯
中督撫薦理瑞昌王府事謝不起多燠父拱樛以宸濠
事被逮多燠甫十餘齡哭走軍門乞以自代王守仁見
而異之嘉靖二年疏訟父寃得釋歸復爵時諸郡王統
於弋陽而瑞昌始王不祀多燠自謂小宗宜典宗祏請
於朝特敕許焉乃益祭田修飭家政儼若朝典四子皆

莊謹嗜學奉國將軍多煌惠王第五子弋陽王奠璽五世孫也孝友嗜學弋陽五傳而絕宗人舉多煌賢能敕攝瑞昌府事諸宗皆屬焉性廉靜寡欲淑人熊氏早卒不再娶獨處齋閣者二十六年萬厯二十一年撫按以行誼聞詔褒之會病卒詔守臣加祭一壇又多烜者亦奉國將軍頴敏善詩歌嘗變姓名出遊蹤跡遍吳楚晚病羸猶不廢吟誦卒門人私謚曰清敏先生子謀墀亦有父風時樂安輔國將軍多燮有詩癖與謀墀等放志

文酒終其世



明史卷一百十七

欽定四庫全書

明史卷一百十七考證

自椿以下四世七王幾百五十年皆檢飭守禮法好學能文

臣

嚴福按獻王椿有獻園集定王友垓有集

十卷惠王申鑿有惠園集成王讓栩有長春競辰集
端王宣圻有端園集一時諸王文學以蜀為冠見朱
彝尊靜志居詩話謹附考

孫隱王仕壘

臣

嚴福按隱王仕壘有叔八人並封郡

王天順五年以代隘徙封懷仁王於霍山陰襄陽二王於蒲靈邱王於絳宣寧隰川二王於隰并徙仕壘子定安王於忻見明實錄謹附考

乘宏讀廷試卷取中旨行之臣嚴福按完初為江西按察使為宸濠所重完亦心附之自完入內與王問遺不絕王欲復護衛輦金分饋權要完知費宏不可遂因其讀卷入䟽下制許之并傳旨令宏致仕見谷應泰明紀事本末謹附考

檄諸郡兵先後至

臣嚴福按知府伍文定等至衆議

所向守仁曰兵家之道急衝其鋒攻其有備皆非計
之得吾固示以自守不出之形彼必他出然後尾而
圖之先復省城以搗其巢穴俟彼還兵來援然後邀
而擊之此全勝之策也見王守仁陽明集及谷應泰
明史紀事本末謹附考

明史卷一百十七考證

欽定四庫全書

史部

明史卷一百

十八至
二十

御史臣李陽斌覆勘

總校官編修臣朱鈴

欽定四庫全書

明史卷一百十八

大學士張廷玉等奉 敕修

列傳第六

諸王三

太祖諸子三

岷王梗

谷王穗

韓王松

藩王模

沁水王埏
清源王幼瑋

安王楹

唐王楹

三城王芝琬
丈城王彌鉗

彌鉗

輔國將軍字決

郢王棟

伊王嶺

皇子楠

靖江王守謙

興宗諸子

虞王雄英

吳王允燭

衡王允熒

徐王允熒

惠帝諸子

太子文奎

少子文圭

成祖諸子

高煦

趙王高燧

高熾

岷莊王梗太祖第十八子洪武二十四年封國岷州二十八年以雲南新附宜親王鎮撫改雲南有司請營宮殿帝令暫居樓亭俟民力稍紓後作建文元年西平侯沐晟奏其過廢為庶人徙漳州永樂初復王與晟交惡

帝賜書諭梗而詔戒晟梗沉湎廢禮擅收諸司印信殺戮吏民帝怒奪冊寶尋念王建文中久幽繫復予之而梗不悛六年削其護衛罷官屬仁宗即位徙武岡寄居州治久之始建王邸景泰元年薨子恭王徽燦嗣初世子徽燦宣德初訐其弟鎮南王徽燦誹謗仁廟宣宗疑其詐並召至京及所連閹豎面質事果誣斬閹豎而遣徽燦等歸徽燦嗣位弟廣通王徽燦有勇力家人段友洪以技術得寵致仕後軍都事于利賓言徽燦有異相

當主天下遂謀亂作偽敕分遣友洪及蒙能陳添行入
苗中誘諸苗以銀印金幣使發兵攻武岡苗首楊文伯
等不敢受事覺友洪為徽燦所執都御史李實以聞遣
駙馬都尉焦敬中官李琮徵徽燦入京師湖廣總督王
來總兵官梁珪復發陽宗王徽燾通謀狀亦徵入皆除
爵幽高牆時景泰二年十月也天順七年徽燦薨子順
王音堃嗣病瘋痺屢年不起次子安昌王膺鋪侍醫藥
晨夕不去左右憲宗聞之賜敕嘉獎成化十六年音堃

堯世子膺鉅居喪飲博無度承奉劉忠禁制之遂殺忠
事聞驗實革冠帶停封居四年乃嗣弘治十三年堯諡
曰簡子靖王彥汰嗣嘉靖四年與弟南安王彥泥訐陰
事彥泥廢為庶人彥汰亦坐抗制擅權革爵八年令世
子譽榮攝府事譽榮上疏懇辭謂臣生享尊榮而父因
苦寂寞臣心何安且前曾與臣弟善化王譽桔廷議以
子無制父理奏寢不行臣亦人子也獨不愧臣弟乎帝
覽疏憐之下部議十二年賜彥汰冠帶理府事十五年

以兩宮徽號恩復王又八年始薨子康王譽榮嗣三十一年薨子憲王定耀嗣三十四年薨曾孫裡洪天啓二年嗣崇禎元年薨無子從父企鰲嗣十六年流賊陷武岡遇害

谷王穗太祖第十九子洪武二十四年封二十八年三月就藩宣府宣府上谷地故曰谷王燕兵起穗走還京師及燕師渡江穗奉命守金川門登城望見成祖麾蓋開門迎降成祖德之即位賜穗樂七奏衛士三百賚予

甚厚改封長沙增歲祿二千石櫓居國橫甚忠誠伯茹
瑞過長沙不謁櫓櫓白之帝瑞得罪死遂益驕肆奪民
田侵公稅殺無罪人長史虞廷綱數諫誣廷綱誹謗磔
殺之招匿亡命習兵法戰陣造戰艦弓弩器械大創佛
寺度僧千人為咒詛曰與都指揮張成宦者吳智劉信
謀呼成師尚父智信國老令公偽引讖書云我高皇帝
十八子與讖合櫓行次十九以趙王杞早卒故云謀於
元夕獻燈選壯士殺之音樂同入禁中伺隙為變又致

書蜀王為隱語欲結蜀為援蜀王貽書切責不聽已而蜀王子崇寧王悅燇得罪逃穗所穗因詭衆往年我開金川門出建文君今在邸中我將為申大義事發有日矣蜀王聞之上變告初護衛都督僉事張興見穗為不法懼禍及因奏事北京白其狀帝不信興過南京復啟於太子且曰乞他日無連坐至是帝歎曰朕待穗厚張興常為朕言不忍信今果然立命中官持敕諭穗歸悅燇於蜀且召穗入朝穗至帝示以蜀王章伏地請死諸

大臣廷劾棣曰周戮管蔡漢辟潁長皆大義滅親陛下縱念棣奈天下何帝曰棣朕弟朕且令諸兄弟議永樂十五年正月周王橚楚王楨蜀王椿等各上議棣違祖訓謀不軌蹤跡甚著大逆不道誅無赦帝曰諸王羣臣奉大義國法固爾吾寧生棣於是及二子皆廢為庶人官屬多誅死興以先發不坐

韓憲王松太祖第二十子洪武二十四年封國開原性英敏通古今恭謹無過永樂五年薨以未之國命塋安

德門外十年子恭王冲烱嗣時棄大寧三衛地開原逼塞不可居二十二年改封平涼仁宗即位召冲烱與弟襄陵王冲烱樂平王冲烱入朝各獻詩頌帝嘉悅賜金幣有差宣宗初請徙江南不許請蠲護衛屯租建邸第許之遣主事毛俊經度並建襄陵樂平二邸及岷州廣福寺陝西守臣言歲歛請輟工帝令繕王宮罷建寺役平涼接邊徼間諜充斥冲烱習邊鄙利弊正統元年上書極言邊事賜書褒答五年薨子懷王範圯嗣九年薨

弟靖王範抑嗣景泰元年薨子惠王徵鈞嗣初土木之變冲烱赴京師勤王會解嚴下書慰勞及成化六年寇入河套冲烱復請率子壻擊賊憲宗止之冲烱兄弟並急王事以藩禁嚴不用自是宗臣無預兵事者成化五年徵鈞薨子昭王旭繼嗣性忠孝工詩居藩有惠政韓土瘠祿薄弟建寧王旭楨至以所受金冊質於宗室偕決事聞廢為庶人諸貧宗往往凌剗有司平涼知府吳

世良鄜衍任守德王松先後被窘辱嘉靖十三年旭樾薨子定王融燧嗣繼宗室之橫頗繩以法不逞者怨之三十二年襄陵王融焚及諸宗二百餘人訐奏王奸利事勘無實革融焚等祿四十四年融燧薨子謨典先卒世宗末年以宗祿不足詔身不及王者許其嫡長子繼王餘子如故秩謨典以世子不及王王其長子朗錡餘子止鎮國將軍萬厯三十四年朗錡薨諡曰端子孫皆早卒曾孫亶堵嗣崇禎十六年賊陷平涼被執襄陵王

冲炁憲王第二子有至性母病刲股和藥病良已及卒
終喪毀瘠每展墓必率子孫躬畚鍤培冢先後璽書褒
美者六子範址服其教母荆罹危疾亦刲股進之愈其
後五世同居門內雍肅嘉靖十一年賚以羊酒文幣韓
諸王以襄陵家法為第一王孫徵錢病卒聘杜氏女未
婚歸王家志操甚厲詔賜旌表

藩簡王模太祖第二十一子洪武二十四年封永樂六
年就藩潞州宣德六年薨子康王佾煇嗣景泰中數與

州官置酒大會巡撫朱鑑以聞帝令諸王非時令壽節
不得輒與有司讌飲著為令天順元年薨子莊王幼墾
嗣正德十一年薨子恭王詮鉦嗣嘉靖六年薨孫允楨
攝府事九年卒無子再從弟憲王允移攝府事凡十年
乃嗣封當是時藩府諸郡王勛洵詮鏞並爭襲帝皆切
責之而令允移嗣二十八年薨子宣王恬校嗣好學工
古文詞審聲律弟安慶王恬爌鎮康王恬焯穆宗時皆
以孝義旌萬厯十年恬校薨子定王埈堯嗣仁孝恭慎

第六人封郡王者二餘例不得封朝廷獎王恭皆封郡王而不與祿薨子效鏞嗣明亡國除沁水王瑄堦簡王七世孫也工詩喜士名譽藉甚前此有德平王允挺負雋才與衡府新樂王載璽周宗人睦樛俊嘒等齊名又清源王幼圻康王第三子博學能文詞其後輔國將軍勲連從子允杉允柠允析及鎮國將軍恬煊與諸子瑄圻等並以能詩名時稱瀟瀟多才焉

安惠王楹太祖第二十二子洪武二十四年封永樂六

年就藩平涼十五年薨無子封除府僚及樂戶悉罷留
典仗校尉百人守園洪熙初韓恭王改封平涼就安王
邸英宗令官校隸韓長史供安王祀暇日給韓王子襄
陵王冲炆使令景泰五年冲炆遂乞承安王祀正德十
二年嗣襄陵王徵鈐請樂戶祀安王明年樂平王徵鉅
援徵鈐例以請禮部言親王有樂戶部王別城居者有
事假鼓吹於有司其附親王國者假樂戶於長史司因
並革安王供祀樂戶嘉靖二年韓王旭樞復為代請帝

以安王故報可之徵鈐卒韓王融燧令長史輩之徵鈐
長孫旭橦上言禮樂自天子出韓王不宜擅予奪融燧
亦言親王郡王禮樂宜有降殺帝曰樂戶為安王祀也
給如故

唐定王桎太祖第二十三子洪武二十四年封永樂六
年就藩南陽十三年薨子靖王瓊炆嗣綜覈有矩矱為
成祖所喜入朝五日三召見宣德元年薨妃高氏未冊
自經以殉詔封靖王妃無子弟憲王燧烜嗣成化十一

年薨子莊王芝址嗣諸弟三城王芝垓蕩陰王芝坑並
好學有令譽而承休王芝垠憲王繼妃焦氏子也妃愛
之遇節旦召樂婦入宮芝址詰之語不遜焦妃怒持鐵
鉗擊宮門芝垠閉不敢出芝垠與妃弟璟誣王詈繼母
按驗不實得芝垠慢母詈兄狀韋爵久之始復二十一
年芝址薨子成王彌歸嗣弘治中疏言朝廷待親藩生
爵歿諡親親至矣間有惡未敗聞歿獲美諡是使善者
怠惡者肆也自今宜勘實用寓彰瘡禮臣請降敕獎諭

勉厲諸王詔可武宗喜遊幸彌錡作憂國詩且上疏以
用賢圖治為言弟文城王彌鉗有學行孝友篤至嘉靖
二年彌錡薨無子彌鉗子敬王宇溫嗣二十一年獻金
助太廟工賜玉帶益祿二百石時承休王芝垠子彌振
以父與莊王交訐失令名折節蓋前愆宇溫上其事璽
書褒獎三十九年宇溫薨子順王宙祿嗣四十三年薨
子端王碩熿嗣惑於嬖人囚世子器璫及其子聿鍵於
承奉司器璫中毒死崇禎五年碩熿薨聿鍵嗣七年流

賊大熾燭金寨南陽城又援潞藩例乞增兵三千人不
許九年秋八月京師戒嚴倡義勤王詔切責勅還國事
定下部議廢為庶人幽之鳳陽弟聿鏞嗣十四年李自
成陷南陽聿鏞遇害十七年京師陷福王由崧立於南
京乃赦聿鏞出

大清順治二年五月南都降聿鏞行至杭遇鎮江總兵
官鄭鴻逵戶部郎中蘇觀生遂奉入閩南安伯鄭芝龍
巡撫都御史張肯堂與禮部尚書黃道周等定議奉王

稱監國閏六月丁未立於福州僞號隆武改福州為天興府進芝龍鴻逵為侯封鄭芝豹鄭彩為伯觀生道周俱大學士肯堂為兵部上書餘拜官有差聿鍵好學通典故然權在鄭氏不能有所為是年八月芝龍議簡戰守兵二十餘萬計餉不支其半請預借兩稅一年令羣下捐俸勸紳士輸助徵府縣銀穀未解者官吏督迫閭里騷然又廣開事例猶苦不足仙霞嶺守關兵僅數百人皆不堪用聿鍵屢促芝龍出兵輒以餉詘辭久之芝

龍知衆論不平乃請以鴻逵出浙東彩出江右各擁兵數千號數萬既行託候餉皆行百里而還先是黃道周知芝龍無意出師自請行從廣信趨婺源兵潰死事詳道周傳是時李自成兵敗走死通山其兄子李錦帥衆降於湖廣總督何騰蛟一時增兵十餘萬侍郎楊廷麟祭酒劉同升起兵復吉安臨江於是廷麟等請聿鍵出江右騰蛟請出湖南原任知州金堡言騰蛟可恃芝龍不可恃宜棄閩就楚聿鍵大喜授堡給事中遣觀生先

行募兵先是靖江王亨嘉僭稱監國不奉聿鍵命為巡撫瞿式耜等所擒以捷聞而魯王以海又稱監國於紹興拒聿鍵使者故聿鍵決意出江西湖廣十二月發福州駐建寧廣東布政湯來賀運餉十萬由海道至明年二月駐延平三月

大清兵取吉安撫州圍楊廷麟於贛州尚書郭維經出閩募兵援贛六月

大兵克紹興魯王以海遁入海閩中大震芝龍假言海

寇至徹兵回安平鎮航海去守關將士皆隨之仙霞嶺
空無一人七月何騰蛟遣使迎聿鍵將至韶州唯時我
兵已抵閩關守浦城御史鄭為虹給事中黃大鵬延平
知府王士和死焉八月聿鍵出走數日方至汀州

大兵奄至從官奔散與妃曾氏俱就執妃至九龍投於
水聿鍵死於福州給事中熊緯尚書曹學佺通政使馬
思禮等自縊死

郅靖王棟太祖第二十四子洪武二十四年封永樂六

年之藩安陸十二年薨無子封除留內外官校守園王
妃郭氏武定侯英女王薨踰月妃慟哭曰未亡人無子
尚誰恃引鏡寫容付宮人曰俟諸女長令識母遂自經
妃四女一夭其三女封光化穀城南漳郡主歲祿各八
百石宣德四年以郢故邸封梁王瞻埇移郢宮人居南
京

伊厲王模太祖第二十五子洪武二十一年生生四年
封永樂六年之藩洛陽歲祿僅二千石王好武不樂居

宮中時時挾彈露劍馳逐郊外奔避不及者手擊之髡
裸男女以為笑樂十二年薨禮臣請追削封爵不許二
十二年子簡王顯映始得嗣縱中官擾民洛陽人苦之
河南知府李驥稍持以法誣奏驥被逮治已而得白罪
王左右英宗時上表文不恭屢被譴讓天順六年薨世
孫悼王諱釵嗣成化十一年薨弟定王諱鏐嗣好學崇
禮居喪哀毀歲時祀先致齋於外郡王諸將軍中尉非
禮賀不褻見民間高年者禮下之正德三年薨子莊王

許淵嗣嘉靖五年薨弟敬王許淳嗣居母喪以孝聞以祿薄上言先朝以河南課鈔萬七千七百貫准祿米八千石八年革諸王請乞租稅伊府課鈔亦在革中乞補祿戶部言課鈔本成弘間請乞非永樂時欽賜比河南一省缺祿者八十餘萬宜不許帝從部議二十一年薨世子典樸嗣貪而愎多持官吏短長不如指必構之去既去復折辱之御史行部過北邨山典樸要笞之搢紳往來率紆途取他境經郭外者府中人輒追挽其車嘗

其不朝入朝者復辱以非禮府牆壞請更築乃奪取民舍以廣其宮即中陳大壯與邸鄰索其居不與使數十人從大壯卧起奪其飲食竟至餓死所為宮崇臺連城擬帝闕有錦衣官校之陟者經洛陽典模忽召官屬迎詔鼓吹擁錦衣入捧一黃卷入宮衆請開讀曰密詔也遂趣錦衣去錦衣謂王厚待之不知所以其夜大張樂至曙府中皆呼千歲詐謂天子特親我也閉河南府城大選民間子女七百餘留其姝麗者九十人不中選者

令以金贖都御史張永明御史林潤給事中邱岳相繼
言其罪狀再遣使往勘革祿三之二令壞所僭造宮城
歸民間女執羣小付有司典模不奉詔部牒促之布政
使持牒入見典模曰牒何為者可用障櫺耳四十三年
二月撫按官以聞詔禮部會三法司議僉謂典模淫暴
無藩臣禮陛下曲赦再四終不湔改奸回日甚宜如徽
王戴埴故事禁錮高牆削除世封詔從其議與子張卿
俱安置開封

皇子楠太祖第二十六子洪武二十六年生踰月殤

靖江王守謙太祖從孫父文正南昌王子也當太祖起
兵時南昌王前死妻王氏攜文正依太祖太祖高后撫
如已子比長涉獵傳記饒勇畧隨渡江取集慶路已有
功授樞密院同僉太祖從容問若欲何官文正對曰叔
父成大業何患不富貴爵賞先私親何以服衆太祖喜
其言益愛之太祖為吳王命為大都督節制中外諸軍
事及再定江西以洪都重鎮屏翰西南非骨肉重臣莫

能守乃命文正統元帥趙得勝等鎮其地儒士郭之章
劉仲服為叅謀文正增城浚池招集山寨未附者號令
明肅遠近震懾居無何友諒帥舟師六十萬圍洪都文
正數摧其鋒堅守八十有五日後復完者數十丈友
諒旁掠吉安臨江俘其守將徇城下不為動太祖親帥
兵來援友諒乃解去與太祖相拒於彭蠡友諒掠糧都
昌文正遣方亮焚其舟糧道絕友諒遂敗復遣何文輝
等討平未附州縣江西之平文正功居多太祖還京告

廟飲至賜常遇春廖永忠及諸將士金帛甚厚念文正
前言知大體錫功尚有待也而文正不能無少望性素
卞急至是暴怒遂失常度任掾吏衛可達奪部中子女
按察使李飲永奏其驕侈觖望太祖遣使詰責文正懼
飲永益言其有異志太祖即日登舟至城下遣人召之
文正倉卒出迎太祖數曰汝何為者遂載與俱歸欲竟
其事高后力解之曰兒特性剛耳無他也免官安置桐
城未幾卒飲永亦以他事伏誅文正之被謫也守謙甫

四歲太祖撫其項曰兒無恐爾父倍訓教貽我憂我終
不以爾父故廢爾育之宮中守謙幼名鐵柱吳元年以
諸子命名告廟更名煒洪武三年更名守謙封靖江王
祿視郡王官屬親王之半命耆儒趙璵為長史傳之既
長之藩桂林桂林有元順帝潛邸改為王宮上表謝太
祖敕其從臣曰從孫幼而遠鎮西南其善導之守謙知
書而好比羣小粵人怨咨召還戒諭之守謙作詩怨望
帝怒廢為庶人居鳳陽七年復其爵徙鎮雲南使其妃

弟徐溥同往賜書戒飭語極摯切守謙暴橫如故召還
使再居鳳陽復以強取牧馬錮之京師二十五年卒子
贊儀幼命為世子三十年春遣省晉燕周楚齊蜀湘代
肅遼慶谷秦十三王自湘楚入蜀歷陝西抵河南山西
北平東至大寧遼陽還自山東使知親親之義熟山川
險易習勞苦贊儀恭慎好學永樂元年復之國桂林使
蕭用道為長史用道善輔導贊儀亦敬禮之六年薨諡
曰悼僖子莊簡王佐敬嗣初給銀印宣德中改用金塗

正統初與其弟奉國將軍佐敏相訐奏語連大學士楊
榮帝怒戍其使人成化五年薨子相承先卒孫昭和玉
規裕嗣弘治二年薨子端懿王約麒嗣以孝謹聞正德
十一年薨子安肅王經扶嗣好學有儉德嘗為敬義箴
嘉靖四年薨子恭惠王邦掌嗣與巡按御史徐南金相
訐奏奪祿米罪其官校隆慶六年薨子康僖王任昌嗣
萬厯十年薨子溫裕王履燾嗣二十年薨無子從父憲
定王任晟嗣三十八年薨子榮穆王履祜嗣薨子亨嘉

嗣李自成陷京師後自稱監國於廣西巡撫瞿式耜奉
唐王聿鍵命擒送福州聿鍵誅之

興宗五子后常氏生虞懷王雄英吳王允熲呂后生惠
帝衡王允熲徐王允熾

虞懷王雄英興宗長子太祖嫡長孫也洪武十五年五
月薨年八歲追加封諡

吳王允熲興宗第三子建文元年封國杭州未之藩成
祖即位降為廣澤王居漳州未幾召還京廢為庶人錮

鳳陽永樂十五年卒

衡王允熲興宗第四子建文元年封成祖降為懷恩王
居建昌與允熲俱召還銅鳳陽先後卒

徐王允熿興宗第五子建文元年封成祖降為敷惠王
隨母呂太后居懿文陵永樂二年下詔改甌寧王奉太
子祀四年十二月邸中火暴薨諡曰哀簡

惠帝二子俱馬后生

太子朱奎建文元年立為皇太子燕師入七歲矣莫知

所終

少子文圭年二歲成祖入幽之中都廣安宮號為建庶人英宗復辟憐庶人無罪久繫欲釋之左右或以為不可帝曰有天命者任自為之大學士李賢贊曰此堯舜之心也遂請於太后命內臣牛玉往出之聽居鳳陽婚娶出入使自便與閹者二十人婢妾十餘人給使令文圭孩提被幽至是年五十七矣未幾卒

成祖四子仁宗漢王高煦趙王高燧俱文皇后生高熾

未詳所生母

漢王高煦成祖第二子性凶悍洪武時召諸王子學於京師高煦不肯學言動輕佻為太祖所惡及太祖崩成祖遣仁宗及高煦入臨京師舅徐輝祖以其無賴密戒之不聽盜輝祖善馬徑渡江馳歸途中輒殺民吏至涿州又擊殺驛丞於是朝臣舉以責燕成祖起兵仁宗居守高煦從嘗為軍鋒白溝河之戰成祖幾為瞿能所及高煦帥精騎數千直前決戰斬能父子於陣及成祖東

昌之敗張玉戰死成祖隻身走適高煦引師至擊退南
軍徐輝祖敗燕兵於浦子口高煦引蕃騎來成祖大喜
曰吾力疲矣兒當鼓勇再戰高煦麾蕃騎力戰南軍遂
却成祖屢瀕於危而轉敗為功者高煦力為多成祖以
為類已高煦亦以此自負恃功驕恣多不法成祖即位
命將兵往開平備邊時議建儲淇國公邱福駙馬王寧
善高煦時時稱高煦功高幾奪嫡成祖卒以元子仁賢
且太祖所立而高煦又多過失不果永樂二年仁宗立

為太子封高煦漢王國雲南高煦曰我何罪斥萬里不肯行從成祖巡北京力請並其子歸南京成祖不得已聽之請得天策衛為護衛輒以唐太宗自比已復乘間請益兩護衛所為益恣成祖嘗命同仁宗謁孝陵仁宗體肥重且足疾兩中使掖之行恒失足高煦從後言曰前人蹉跌後人知警時宣宗為皇太孫在後應聲曰更有後人知警也高煦回顧失色高煦長七尺餘輕趨善騎射兩腋若龍鱗者數片既負其雄武又每從北征在

成祖左右時媒孽東官事譖解縉至死黃淮等皆繫獄
十三年五月改封青州又不欲行成祖始疑之賜敕曰
既受藩封豈可常居京邸前以雲南遠憚行今封青州
又託故欲留侍前後殆非實意茲命更不可辭然高煦
遷延自如私選各衛健士又募兵三千人不隸籍兵部
縱使劫掠兵馬指揮徐野驢擒治之高煦怒手鐵爪撾
殺野驢衆莫敢言遂僭用乘輿器物成祖聞之怒十四
年十月還南京盡得其不法數十事切責之褫冠服囚

繫西華門內將廢為庶人仁宗涕泣力救乃削兩護衛
誅其左右狎暱諸人明年三月徙封樂安州趣即日行
高煦至樂安怨望異謀益急仁宗數以書戒不悛成祖
北征晏駕高煦子瞻圻在北京覘朝廷事馳報一晝夜
六七行高煦亦日遣人潛伺京師幸有變仁宗知之顧
益厚遇遺書召至增歲祿賜賚萬計仍命歸藩封其長
子為世子餘皆郡王先是瞻圻怨父殺其母屢發父過
惡成祖曰爾父子何忍也至是高煦入朝悉上瞻圻前

後覘報中朝事仁宗詔示瞻圻曰汝處父子兄弟間讒
構至此穉子不足誅遣守鳳陽皇陵未幾仁宗崩宣宗
自南京奔喪高煦謀伏兵邀於路倉卒不果及帝即位
賜高煦及趙王視他府特厚高煦日有請並陳利國安
民四事帝命有司施行仍復書謝之因語羣臣曰皇祖
嘗諭皇考謂叔有異志宜備之然皇考待之極厚如今
所言果出於誠則是舊心已革可不順從凡有求請皆
曲徇其意高煦益自肆宣德元年八月遂反遣其親信

枚青等潛至京師約舊功臣為內應英國公張輔執之以聞時高煦已約山東都指揮蘄榮等又散弓刀旂幟於衛所盡奪傍郡縣畜馬立五軍指揮王斌領前軍韋達左軍千戶盛堅右軍知州朱恒後軍諸子各監一軍高煦自將中軍世子瞻坦居守指揮韋弘韋興千戶王玉李智領四哨部署已定偽授王斌朱恒等太師都督尚書等官御史李濬以父喪家居高煦招之不從雙姓名間道詣京師上變帝猶不忍加兵遣中官侯泰賜高

煦書奏至高煦盛兵見泰南面坐大言曰永樂中信讒
削我護衛徙我樂安仁宗徒以金帛餌我我豈能鬱鬱
居此汝歸報急縛奸臣夏原吉等來徐議我所欲泰懼
唯唯而已比還帝問漢王何言治兵何如泰皆不敢以
實對是月高煦遣百戶陳剛進疏更為書與公侯大臣
多所指斥帝歎曰漢王果反乃議遣陽武侯薛祿將兵
往討大學士楊榮等勸帝親征帝是之張輔奏曰高煦
素懦願假臣兵二萬擒獻闕下帝曰卿誠足擒賊顧朕

初即位小人或懷二心不親行不足安反側於是車駕發京師過楊村馬上顧從臣曰度高煦計安出或對曰必先取濟南為巢窟或對曰彼曩不肯離南京今必引兵南下帝曰不然濟南雖近未易攻聞大軍至亦不暇攻護衛軍家樂安必內顧不肯徑趨南京高煦外誇詐內實怯臨事狐疑不能斷今敢反者輕朕年少新立衆心未附不能親征耳今聞朕行已膽落敢出戰乎至即擒矣高煦初聞祿等將兵攘臂大喜以為易與及聞親

征始懼時有從樂安來歸者帝厚賞之令還諭其衆仍遺書高煦曰張敖失國始於貫高淮南被誅成於伍被今六師壓境王即出倡謀者朕與王除過恩禮如初不然一戰成擒或以王為奇貨縛以來獻悔無及矣前鋒至樂安高煦約詰旦出戰帝令大軍蓐食兼行駐蹕樂安城北壁其四門賊乘城守王師發神機銃箭聲震如雷諸將請即攻城帝不許再敕諭高煦皆不答城中人多欲執獻高煦者高煦大懼乃密遣人詣行幄願假今

夕訣妻子即出歸罪帝許之是夜高煦盡焚兵器及通逆謀書明日帝移蹕樂安城南高煦將出城王斌等力止曰寧一戰死無為人擒高煦紿斌等復入宮遂潛從間道出見帝羣臣請正典刑不允以劾章示之高煦頓首言臣罪萬萬死惟陛下命帝令高煦為書召諸子餘黨悉就擒赦城中罪脇從者不問命薛祿及尚書張本鎮撫樂安改曰武定州遂班師廢高煦父子為庶人築室西安門內錮之王斌等皆伏誅惟長史李默以嘗諫

免死謫口北為民天津青州滄州山西諸都督指揮約
舉城應者事覺相繼誅凡六百四十餘人其故縱與藏
匿生死戍邊者一千五百餘人編邊氓者七百二十人
帝製東征記以示羣臣高煦及諸子相繼皆死

趙簡王高燧成祖第三子永樂二年封尋命居北京詔
有司政務皆啓王後行歲時朝京師辭歸太子輒送之
江東驛高燧恃寵多行不法又與漢王高煦謀奪嫡時
時譖太子於是太子宮寮多得罪七年帝聞其不法事

大怒誅其長史顧晟褫高燧冠服以太子力解得免擇國子司業趙亨道董子莊為長史輔導之高燧稍改行二十一年五月帝不豫護衛指揮孟賢等結欽天監官王射成及內侍楊慶養子造偽詔謀進毒於帝侯晏駕詔從中下廢太子立趙王總旂王瑜姻家高以正者為賢等畫謀謀定告瑜瑜上變帝曰豈應有此立捕賢得其偽詔賢等皆伏誅陞瑜遼海衛千戶帝顧高燧曰爾為之耶高燧大懼不能言太子力為之辭曰此下人所

為高燧必不與知自是益斂戢仁宗即位加漢趙二王
歲祿二萬石明年之國彰德辭常山左右二護衛宣宗
即位賜田園八十頃帝擒高煦歸至單橋尚書陳山迎
駕言曰趙王與高煦共謀逆久矣宜移兵彰德擒趙王
否則趙王反側不自安異日復勞聖慮帝未決時惟楊
士奇以為不可山復邀尚書蹇義夏原吉共請帝曰先
帝友愛二叔甚漢王自絕於天朕不敢赦趙王反形未
著朕不忍負先帝也又高煦至京亦言嘗遣人與趙通

謀戶部主事李儀請削其護衛尚書張本亦以為言帝
不聽既而言者益衆明年帝以其詞及羣臣章遣駙馬
都尉廣平侯袁容持示高燧高燧大懼乃請還常山中
護衛及羣牧所儀衛司官校帝命收其所還護衛而與
儀衛司宣德六年薨子惠王瞻塙嗣景泰五年薨子悼
王祈鑑嗣天順四年薨子靖王見濬嗣惠王悼王皆頗
有過失至見濬惡尤甚屢賊殺人又嘗乘醉欲殺其叔
父成化十二年事聞詔奪祿米三之二去冠服戴民巾

讀書習禮其後二年見潯母妃李氏為之請得冠服如
故見潯卒不能改愛幼子祐枳遂誣長子祐採以大逆
復被詔誚讓弘治十五年薨子莊王祐採嗣正德十三
年薨子康王厚煜嗣事祖母楊妃以孝聞嘉靖七年六
月璽書褒予明年冬境內大饑厚煜上疏請辭祿一千
石以佐振帝嘉王憂國詔有司發粟不允所辭及帝南
巡厚煜遠出迎命益祿三百石厚煜性和厚構一樓名
思訓嘗獨居讀書文藻瞻麗宗人輔國將軍祐棨等數

犯法與有司為難厚煜庇祐掠祐掠卒得罪並見責讓
其後有司益務以事裁抑諸宗洛川王翊銘奴與通判
田時雨之隸爭瓜而毆時雨捕王奴厚煜請解不得竟
論奴充軍未幾宗室數十人索祿時雨以宗室毆府官
白於上官知府傳汝礪盡捕各府人厚煜由是忿恚竟
自縊死三十九年十月也厚煜子成皋王載琬疏聞於
朝下法司按問時雨斬河南市汝礪戍極邊厚煜子載
培及載培子翊錨皆前卒翊錨子穆王常清嗣以善行

見旌萬厯四十二年薨世子由松前卒弟壽光王由桂
子慈愍嗣薨無子穆王弟常洵嗣崇禎十七年彰德陷
被執

高熾成祖第四子未及封卒

明史卷一百十八

欽定四庫全書

明史卷一百十八考證

岷莊王傳子憲王定燿嗣三十四年薨曾孫裡洪天啓
二年嗣崇禎元年薨無子從父企鰲嗣 臣嚴福按
諸王世表定燿薨後以南充王幹跬為世子未立而
卒謚僖靖孫企鈐亦卒乃以裡洪嗣企鰲者幹跬子
企鈐弟也

谷王德傳又致書蜀王為隱語

臣嚴福按明實錄穗

致蜀王有曰德蒼時不可言桓文之事桓文時不可言德蒼之施卽所謂隱語也

於是及二子皆廢為庶人 臣嚴福按何喬遠分藩記云棣是時闔戶自焚死與傳異鄭曉同姓諸王傳謂是時廢其二子賦灼賦爚為庶人

藩簡王傳就藩潞州 臣嚴福按鄭曉同姓諸王傳宣宗時模言諸子婚請展府府垣外盡民廬也上曰毀民廬以拓王府不可命工部往勘之

皇子楠傳之藩桂林

臣嚴福按明實錄守謙之藩桂

林在洪武九年

與允熲俱召還錮鳳陽

臣嚴福按鄭曉同姓諸王傳

允熲允煙之廢也帝以其不能諫正惠帝罪之

時時稱高煦功幾奪嫡

臣嚴福按鄭曉同姓諸王傳

福等時稱高煦功高成祖曰居守功高於扈從儲貳
分定於嫡長汝等勿復妄言

明史卷一百十八考證